



UNIVERSITÄTS-
BIBLIOTHEK
PADERBORN

Vniversalis Historiæ Ecclesiasticæ Medvlla

Pareus, Daniel

Francofurti, 1633

Patres, Et Præcipvi in Ecclesia Doctores.

[urn:nbn:de:hbz:466:1-64973](https://nbn-resolving.org/urn:nbn:de:hbz:466:1-64973)

Episcopo Veliterno, Senis Pontifex, sine Cæsaris consensu, Hildebrando instigante, creatus est, anno Domini 1059. sub hoc celebratum Romæ Concilium, & Berengarius damnatus est.

Nicolao è viuis exempto, Alexander II. Episcopus Lucensis, Anshelmus antea dictus, vulpina Hildebrandi calliditate, vt sibi ipsi ad Papatum viam sterneret, Romæ absens electus fuit in Pontificem: Imperatore neque salutato, neque consulto. Huic Longobardi, ex Imperatoris consensu, alium opposuerunt Pontificem, quem ipsi Basileæ in Comitibus eo præsentem elegerant, Cadolum nomine, Episcopum Parmensem, qui magno cum exercitu Romam obsedit, commissoque prælio vno atque altero, cum suis fugatus est: Dictus est in Pontificatu Honorius II. Alexander vero sub miserabili Hildebrandi iugo, non sine veneni suspitione, diem clausit extremum, anno Domini 1074.

PATRES, ET PRÆCIPVI
in Ecclesia Doctores.

Ioannes Scotus, claruit paulo ante Bertrammum, sub Carolo Magno Imp. circa annum Domini 800. dictus Mailrosius, Monachus Benedictinus, Bedæ Monachi, atque Doctoris clarissimi quondam auditor atque discipulus: collega Alcuini, siue Albini, cum quo ex Britannia in Galliam venit: vir in omnibus scripturis doctissimus, atque Carolo Imperatori charus. Scripsit is librum de Eucharistia, in quo per omnia creditur retinuisse & seruasse doctrinam beati Augu-

Augustini, quam postea Bertramus presbyter Regi Carolo exposuit.

Bertrami temporibus etiam claruit Rabanus Maurus, primum Fuldæ Abbas, postea Archiepiscopus Moguntinus. Fuit is quoque Alcuini quondam auditor, & doctrinæ Augustinianæ diligens sectator. Tantæ fuit eruditionis, ut eo tempore nec similem Italia, nec parem Germania habuerit. Obiit anno Domini 856. Sepultus Fuldæ in patria. Ad Ecclesiæ & posteritatis utilitatem multos commentarios edidit.

Haymo, ex AngloSaxonum genere & populi oriundus, consanguineus Bedæ, discipulus fuit in Anglia Albini, & condiscipulus Rabani Mauri, ac contubernalis eius in cœnobio Fuldenfi: Abbas Hirsfeldensis, & postea Halberstadenfis Episcopus designatus est, circiter annum Domini 840. Commentarios suos collegit ex aliis Patribus, quos etiam passim citat. De plerisque capitibus doctrinæ multo sincerius scripsit, quam alii pontificii: etsi non prorsus fuit ab omnibus maculis & nævis huius sæculi immunis. Annis 13. Episcopatum gessit, mortuus anno Domini 853. Halberstadii in templo Stephani sepultus.

Theophylactus, Archiepiscopus Bulgarorum, quibusdam videtur floruisse, Anno Domini 880. Baronius ipsum collocat in annum 1071.

Decumenius, scriptor Græcus, videtur floruisse, anno Domini 1070.

Bernhardus, Abbas Clarevallensis, refertur in

in Catalogum Patrum, et si floruerit tempore Scholasticorum, circiter annum Domini 1115. Magno in pretio fuit propter vitæ sanctimoniam & doctrinam: ad multorum etiam Regum ac Principum controuersias componendas adhibitus. Acriter pugnauit pro iustificatione gratuita per solam fidem, contra operum merita, & liberum arbitrium. Papæ, Cardinalium, Episcoporum, aliorumque clericorum impietatem grauius reprehendit. In quodam sermone pulchre de coniugio dixit: *Tolle de Ecclesia honorabile coniugium, & thorum immaculatum: nonne replebis eam concubinariis incestuosis, seminifluis, mollibus, masculorum concubitoribus, & omni denique genere immundorum?* Obiit anno Domini 1153. ætatis 64.

SCHOLASTICI, VEL QVÆSTIONARIII DOCTORES.

Veteris Theologiæ Scholasticæ initia cœperunt, circa annum Domini 1020. tempore Lanfranci Papiensis, qui Berengarii Antagonista fuit, Archiepiscopus Cantuariensis. Certum est, ante illud Lanfranci seculum, vnus fere Augustini, secundum verbum Dei scriptum, doctrinam inter Christianos quosque doctissimos obtinuisse, atque diligentissime tanquam per manus traditam fuisse. Nam primum ab Egipto, qui Fulgentio fuit ætate æqualis, postea etiam ab ipso met **FVLGENTIO**, deinde à Primasio Afris Theologis; postea autem